

吳興金石記

吳興金石記卷五

歸安陸心源伯剛甫纂

唐

馮湍妻金氏墓銘

石佚文見古刻叢鈔

吳興志金氏墓銘在墨妙亭唐大中十二年鄉貢  
進士李翺述并書

古刻叢鈔唐湖州

缺六字

故夫人墓誌銘并序鄉貢

進士李翺書

墨妙亭碑目考李習之於元和初爲國子博士當  
亦不下三四十許人至大中十二年又五十二三

載其尙能書此銘乎且唐丁居海翰林壁記有元和十四年史館修撰李翱奏事一條若翱於元和中已爲修撰至大中十二年結銜尙稱鄉貢進士無是理也此當係陶氏偶誤從王象之作李翱爲九若劉貢父詩話謂鄭州掘一石刻刺史名別有一李翱則不敢信

陸文正墓誌

石佚

復齋碑錄文正長男肱撰并正書大中十一年三

月湖州

寶刻叢編

姚華妻蒨夫人墓誌

石佚

復齋碑錄唐大中十四年九月湖州寶刻叢編

天甯寺經幢石佚

大佛頂口利明志怛多般怛羅頤唵陀羅尼神咒不錄

唐咸通四年歲次癸未七月辛卯朔一日建幢功德

主仰君儒奉為亡考妣并一宅缺三字名三十五下缺

靈州縣案竅怨家債主同霑此福助緣弟子沈直

沈淮各五千文張稹張士會沈文和各口千文費行

人口千五百文沈九娘吳從缺各一千文從缺馮

邯仰仲瞻嚴能各五百文諸葛忠孚二百文已上贊

助弟子或為亡考亡妣或亡妻并自身缺二字承此功

德下缺

康甯

字缺二

休缺

寺主尼

字缺四

尼

字缺三

都維

那尼正因都勾當造寺當州軍事

缺

將陳珏都料劉

新缺

慶郊

字缺二

鐫

兩浙金石志

右經幢在天

甯

寺千佛閣前高四尺

八面周廣五尺六寸每面正書九行徑六分何夢

華云此與咸通十年馮卯書幢皆為朱竹垞鄭芷

畦所未見案咸通十年十一年經幢皆有軍事押

衙陳珏此當州軍事口將陳珏當卽一人

報德寺新建尊勝寶幢記

石佚

復齋碑錄蕭徵撰張時疎正書咸通四年四月十

六日記在長興

寶刻叢編

重置興國寺冥陽齋社記

石佚

復齋碑錄沙門簡章述并書篆額咸通四年癸未

八月十九日立

寶刻叢編

吳興志在鹿苑寺

湯府君墓誌銘

石存

唐故湯府君墓誌銘并序

君諱口其先范陽人也父湛湛之幼子也春秋六十有  
四咸通六年十二月十二日亡以七年三月八日葬  
吳縣胥臺鄉先買顧涓桑宅地口口顧弘朱從等建

塋禮也有子二人長師藏次從口女一人正劉氏恐  
後無憑刊塋于口其銘曰

嗟乎湯君 俄隨風燭 一閔佳城 千秋陵谷

右墓誌石高一尺廣一尺十一行行十一字至十

三字不等正書石藏歸安人署蘇州府知府吳雲

家

天寧寺經幢 石存

佛頂尊勝陀羅尼經 經序經文并咒文不錄

唐咸通十年六月廿二日建幢主沈仕達 下缺 見性

等建立此幢永充供養仕達等立幢意者奉爲帝主

人王州縣案寮師僧父母法界有情同霑此福沈仕  
達并妻曾見性捨錢三十千文同建幢主衙前虞候  
下缺

同建幢主呂成并妻章信緣捨五千文同建幢  
主沈贊并妻李蓮花捨五千文同建幢主張行儒并  
妻沈淨蓮捨五千文

缺尼妙聰寺主尼主然 軍事  
押衙陳珏 長樂馮卯書

兩浙金石志右經幢在天甯寺西鼓樓側高四尺  
五寸八面周廣五尺二寸每面行書九行徑七分  
第一面刻大悲陀羅尼經咒其次陀羅尼經序及  
經文何夢華云此幢上下兩截尙有小楷書四方



拓者遺之

案何夢華所云上下兩截尙有小楷四方今細審並無此文

永甯寺經幢 石存

佛頂尊勝陀羅尼經 經文不錄

咸通十年歲次己丑八月戊戌朔三日庚子建同  
建幢人口口施建章沈如不勾當人沈元忠姚備施  
建安沈公政姚訓姚裕姚碩施公口施公定施馮師  
沈炳口女弟子沈八娘陳十娘沈二十一娘李九娘  
沈三十二娘成十娘口口口勾當院主僧惠連都料

許從陸政周瑛刻字

右經幢在德清白彪鎮永甯寺山門左幢高四尺五寸周廣四尺三寸八面每面八行行五十二字正書徑五分胡承謀湖州府志云永甯寺有二幢立於山門梁天監中建蓋未見拓本意爲之說耳今祇存一幢兩浙金石志未收

天甯寺經幢

石存

佛頂尊勝陀羅尼經

經文咒文不錄

唐咸通十一年二月十八日建立此幢 都維那尼清素上座妙聰寺主尼志然 軍事押衙陳珏

建立幢主鄉貢進士趙匡符

幢上截

首行缺

念金剛經八千遍念般若心經三萬遍念火

輪金剛真言一萬五千遍念佛頂尊勝陀羅尼一萬

六千遍念大悲心陀羅尼神咒一萬三千遍念觀音

字缺二

陀羅尼二萬遍念大悲心經真言三萬遍念摩

王波

字缺六萬遍

念七佛俱胝佛母心陀羅尼十萬遍念龍樹菩薩化  
身一切法陀羅尼五萬遍念天王心真言十萬遍念  
歡喜咒十萬遍念天廚陀羅尼三萬遍 右匡符所

念前件經咒及捨錢建立此幢上答四重恩下爲三  
屠苦願與此福力普救於眾生用茲迴向心各證菩  
提果

弟子鄉貢進士趙匡符捨叁拾貫文亡弟蟾捨在生  
衣服計貳拾貫文弟子湖州烏程縣丞陸恪貳貫文  
弟子前湖州烏程縣尉魯位捨叁貫文弟子前湖州  
烏程縣尉褚煥章叁貫文弟子前睦州衙推趙逢捨  
貳貫文弟子前懷州衙推趙圓捨五貫文弟子行州  
下省錄事缺國虞幼卿及慶共捨五貫

兩浙金石志右幢在天甯寺東首鐘樓後高四尺

五寸八面周廣五尺二寸前六面佛頂陀羅尼經  
每面行書九行徑七分後二面大輪金剛等咒每  
面正書十行徑六分幢上截佛像旁另有小楷四  
方記幢主趙匡符所誦經咒之數及捨錢姓氏中  
有烏程縣丞陸等名皆志乘未載

天南寺經幢 石存

佛頂尊勝陀羅尼經 經序經文不錄

首行缺 帝缺 於一返 洪缺 帝缺 二傳之下 眞宗

道下缺 榦等寺僧 復缺 不 善惡交報兮隨用不

同善住行孝兮 木生悉中人天 下缺 佛爲救度兮清

淨立宗尊勝真言兮劃破樊籠缺塵離垢兮摠持缺

范陽湯夫兮惟德是崇建幢立福兮邈然清風堅花

屹聳兮法缺雄缺以言以像兮聖無不通塵劫有盡

兮鎮于蓮宮奉國保人兮劫石無窮以上銘詞入行徑六七分不等

在第八面中列經文之下

幢下截

王口 五百 董齋 五百 潘遊 五百 陳伯宜 三百 王仲口

三百 曹超 三百 蔡稹 三百 鈕晃 三百 陳李 三百 陳

峴 三百 沈財 二百 姚佐 二百 許阿閣 二百 徐唐 二百

沈通 二百 周蔣 二百 口 口 口 口 口 口 二百 以上在

第一面

前闕 華項 下闕 沈有鄰 二百 仰十一娘 〇 〇 高卅娘

三百 施七娘 〇 〇 尼志徹 五百 尼曉 〇 〇 〇 以上在 第二面

第三面全闕

沈蓮花 一百 徐端嚴 一百 卜貴清 一百 王仲瑁 一百

王斌 一百 徐甯 二百 〇 十一娘 一百五十 以上在 第四面

〇 〇 〇 〇 王九娘 〇 〇 羅廿一娘 二貫五百 楊七

娘 〇 百 戴廿一娘 六百 劉如意 〇 〇 〇 三十一娘 四

百 姚十一娘 七百 王十一娘 五百 趙十一娘 〇 〇 許

六娘 二百 張五娘 五百 沈三娘 三百 韋五娘 二百 沈

入娘 一百 朱五娘 一百 以上第五面

方興二百 沈昌漸 □ □ 呂端二百 冒道全 □ □ 沈昌

選一百 沈 □ □ □ 下關 以上在第六面第七面全

前關 張因 五百 吳旭 五百 沈中 五百 張則 五百 以

在第八面

兩浙金石志 右經幢在天甯寺山門後牆西首高

四尺八面周廣四尺前刻陀羅尼經序十四行行

書徑七行後刻經文正書徑五分下截刻助錢姓

名前後殘闕無年月惟銘詞有范陽湯夫語知卽

是建幢人也

天甯寺經幢 未見據舊拓本載文



佛頂尊勝陀羅尼經 經文不錄

上缺

鄉仙溪里弟子徐師範并母親王氏弟筠友闔

家同捨淨財奉爲

上缺

清素上座尼妙聰寺主尼志

然都料孔相許裴 汝南周德書 鐫字王曷

兩浙金石志右經幢在天甯寺南房佛堂前僅存

下截高二尺八面周廣三尺四寸每面八行正書

徑五分文稱口口鄉仙溪里郡志無

案吳興志安吉縣有仙溪

里屬天目鄉鄉上

當缺天目二字

李府君墓誌

石佚

復齋碑錄唐咸通十四年五月

寶刻叢編

李靖廟碑 石佚

吳興志在烏程古山本廟

諸道石刻錄唐朱洪撰并書吳華篆額咸通十三

年歲在壬辰四月立

寶刻叢編

勅賜光福寺碑 石佚文見烏青鎮志

烏青鎮志咸通間立石

城山寺殘經幢 石存

佛頂尊勝陀羅尼經 經文不錄

巨唐乾符三年 若漢程歌注 歲在丙申十月甲辰朔十二

日乙卯功德 拓本 主莫雲孚并妻楊十一娘男惟信惟

忠闔宅長幼等自捨淨財建立法

若溪權歌注

幢奉為國

王帝主州縣案

拓本

□□□□□□其有餘分功德

奉資一祠先靈井及亡男惟簡等願早超

若溪權歌注

淨

域永離□途同□□福□□□歲僧和韞都計

料陳文昌書并鐫

拓本

右殘經幢在長興城山寺兩浙金石志未收舊志

亦未載道光間縣令李枝青命工椎拓稍稍流傳

吳慶奎若溪權歌云賴有城山慈氏院猶留唐代

石經幢吳氏所見尙完善兵燹後殘石僅存賴其

文吳氏所紀得補全幢末題都料陳文昌書并鐫

紫天甯寺經幢亦有都料陳文昌名城山寺又有殘經幢裂爲十數段年月磨滅不可考

吉祥寺殘經幢

石存

兩浙金石志右斷幢二段在長興縣顧渚山吉祥寺幢作八面每面文九行正書字徑五分上下殘缺不辨爲何種經文惟末題弟子口口奉爲亡妣馬氏及乾符元年九月十五日建等字尙依稀可讀耳

斷經幢

石存

右經幢在長興丁氏殘缺無年月審是唐人書縣

治惟大雄寺建在唐以前疑爲大雄寺舊物也

渤海高君妻彭城劉氏墓誌

石佚

復齋碑錄唐乾符六年在德清

寶刻叢編

唐三祖信心銘

石佚

諸道石刻錄沙門師立述沈咸正書并篆額乾符

五年正月三十日

寶刻叢編

天甯寺經幢

石存

佛頂尊勝陀羅尼經

經文不錄

唐乾符五年□月八日弟子范信奉爲亡妻韓卅一

娘子在生□□

雨浙金石志右經幢在天甯寺禪堂前上下俱斷  
缺高一尺六寸八面周廣三尺二寸每面正書八  
行徑五分按竹垞題跋寺中尙有乾符六年芮文  
琛幢今未之見此幢在前一年爲范信建亦朱氏  
所題

天甯寺經幢 石存

佛頂尊勝陀羅尼經 經文不錄

上缺

維那尼和雅上座尼幼宜

寺主尼志信

缺陳

志 妻朱十娘弟樂直共立此幢永充供養

右斷經幢在天甯寺大殿廢址僅存下截高二尺

八面周圍四尺每面入行正書徑五分經文是佛頂尊勝陀羅尼經此爲兩浙金石志所未載

天甯寺經幢 石存

佛頂尊勝陀羅尼經 經文不錄

上缺

年十一月廿二日弟子當州軍事衙前散將沈

顯并 母親楊氏及弟錡鏐等捨 先考府君在生

衣物顯等及姊 闕造 佛頂尊勝陀羅尼幢一軀口

充供養 同助緣女徐氏廿二娘 朱氏廿六娘

殷氏廿九娘 新婦戴氏 都料陳文昌

右殘經幢在天甯寺大殿西首土中經文磨滅強

半上有斧鑿痕上截已斷高三尺六寸八面周廣五尺二寸每面正書八行徑五分缺年月唐書職官志刺史屬有執刀十五人並無衙前散將名目想以執刀名目不雅故美其名曰散將猶後世外委之自稱分府也兩浙金石志未收

天甯寺經幢

石佚據舊拓本載文

佛頂尊勝陀羅尼經

經文不錄

大唐國浙西道湖州烏程縣澄源鄉宜陽里住居平望驛南弟子芮文琛捨錢五十五貫文造

乾符六年四月二十五日



朱竹垞得天甯寺經幢爲之跋云平望驛時屬烏程澄源鄉宜陽里故張承吉詩云一派吳興水西來此驛分曝書亭集案顧渚茶錄唐張文規爲湖州守寄劉環中秀才詩云待醉烏程酒思斟平望羹演繁露文規守湖在會昌時此幢之立又在文規後四十年文曰烏程縣澄源鄉宜陽里住居平望驛南皆可爲平望屬烏程之確證

祇園寺經幢

石存

佛頂尊勝陀羅尼經

經序經文不錄

唐會昌五年廢毀大中五年五月廿一日奉勅重建

立勾當人卜歡沈暹兼與市眾下湖立沈宏斌奉命

書再立匠李亮及曹廢帖金字人魚愛捨手口口各

獲福祐

幢下截

舍利下缺福普下缺口起以下缺理事昭下缺法華

會同下缺千人至於下缺今東林舍利寶幢之首下

缺兵曹下缺以上第一面

卜口缺都勾當僧缺僧智匡捨錢物助成缺鎮遏

將戴缺沈口鈞沈叔卿卜元渭唐缺卜清兄缺沈于

缺以上第二面

唐口吳口沈日芬沈同能潘公慶沈及沈元佐朱元  
應沈長能談永口姚儀沈仲口沈仕口江汀兄弟戴  
微沈士元聶口

以上第三面

沈伯忻沈榮德姚懽戴弼錢元頤萬澄施朝萊清沈  
賀沈敬曹公口趙操吳口

下缺 以上第四面

僧明口僧口口僧義峯僧志口僧清口僧日口僧惟  
通僧懷口僧士先僧口口僧元胄僧理口僧習琚僧  
南口寺主僧口口上座僧口口

以上第五面

上缺 沈口約妻 沈口口母 沈口口妻朱八娘沈  
口母丁六娘卜元渭妻倪四娘口口口母口口口娘

□□妻沈□□□

以上第六面第七面第八面全

〔兩浙金石志〕右幢在歸安縣東林山祇園寺東首  
高四尺五寸八分周廣五尺六寸額題佛頂尊勝  
陀羅尼救危濟難妙法寶之幢十六字篆書徑二  
寸經文每面正書九行惟經序作行書俱徑六分  
下截刻捨錢姓名中有鎮遏將戴□此官未見百  
官表惟溪州銅柱題名中有之又廣德州經幢亦  
有鎮遏使名皆當時節度所自署非制也

案五月廿一兩浙金石志誤釋作正月二十一兼  
與市眾句兼眾二字愛上魚字兩浙金石志皆缺

天龍寺經幢有繪畫人魚簡此有帖金字人魚愛  
皆可補郡志藝術傳之缺帖金字人尤爲創見

祇園寺經幢

石存

佛頂尊勝陀羅尼經

經序經文不錄

唐會昌五年廢毀至大中五年五月廿一日奉

勅再立勾當卜歡沈暹兼與市眾等重建沈宏斌奉

命書

幢下截

舍利幢人名女

下缺

理事旣形施

下缺

差別東林舍

下缺

寶幢之創者

下缺

居士同心功德

下缺

兵曹參

軍沈口卜下缺都下缺以上第一面

捨錢下缺鎮將戴缺沈銷鈞沈缺卜元渭唐朋卜清

兄弟沈缺沈鬻評缺錢項戴缺姚仲文沈缺王瑩王

系缺沈昂俞缺以上第二面

江冠尤爲缺沈士榮間人缺馮盛凌缺朱密戴缺戴

通施缺吳謝卿缺周宗缺以上第三面第四面至

沈景缺錢惟缺十一娘陸缺沈鉤鈞缺沈景妻缺沈

弘亮母缺唐珀妻口十一娘沈仲口母缺沈缺以上第八

面

兩浙金石志右幢在歸安縣東林山祇園寺西首

高四尺五寸八面周廣五尺六寸每面行書九行  
徑六分下截刻捨錢姓名多殘泐此與前幢皆因  
會昌五年廢毀之後奉勅重建者東林山志載寺  
有四幢今已失其二矣

祇園寺斷經幢

石存

佛頂尊勝陀羅尼經

經文不錄

右斷經幢在祇園寺址年月泐有施昱奉爲亡考  
等字施昱當爲建幢之人宋沈偕詩石幢蒼蘚合  
猶記永明年相傳斷幢爲雷轟擊沈偕所見當宗  
晉也兩浙金石志未收

龍興寺經幢 石存

佛頂尊勝陀羅尼經 經文不錄

弟子沈綬史章等眾募緣造佛頂尊勝陀羅尼幢一  
隻於龍興寺經臺上□奉□四恩三□法界有情同  
霑此福 下捨錢人  
名不一

中和四年八月二十三日

弟子軍州 缺  
沈下缺

右經幢在歸安竹墩村潮音菴此係天甯寺舊物  
不知何年移至竹墩幢高三尺四寸周廣四尺八  
面每面八行行五十二字書法道勁爲鄭元慶所  
未見兩浙金石志亦未收



衛尉少卿沈公昇仙廟碑 石佚

復齋錄 唐於景休撰行書光啟三年六月六日

湖州 寶刻叢編

烏程縣修東亭記 石佚文見文苑英華

吳興志 唐景福二年楊夔撰

湖錄 東亭卽烏程縣治東相國池亭也菰城文獻謂在迎春門外三里臨荻塘誤矣或其別有東亭也

烏程縣尉功倉廳壁記 石佚

吳興志 烏程尉廳在縣治東唐時本尉功倉廳今

廳有唐文林郎尉陸求修功倉廳碑記云縣有三尉分割六司是廳所在曰功曰倉國朝主簿陸東書其後言功倉廳當時尉署之一也唐至武德元年改書佐曰縣尉尋改曰正七年正復曰尉所謂六司者功倉之外有戶兵法士也

烏程縣修建廨署記

石佚

復齋碑錄烏程縣修建廨署記唐布衣楊夔撰並正書南嶽道士張賢篆額乾甯三年正月七日建

寶刻叢編

大光和尚神異碑

石佚重刻本存

唐中興法華大光禪師碑

湖州法華寺大光大師碑

唐中書侍郎平章事李紳撰

賢劫千佛生於後世法輪遞轉應現隨相或國王大臣宰官居士降生有地不以色相故如來言以色見我以音聲求我爲行邪道故不以金色瑞相蓮花化生降胎示報以潛靈聖上人姓唐氏生於邑之安吉母楊氏奇孕而夢協靈祥在娠而不茹葷血旣生能言不爲戲弄未甌之歲卽思求佛乘發念法華三月通貫傳梵音於性稟精護念於神契經聲一發而頑

鄙革心晝夜持而七部圓滿音聲從容指顧閑雅雖  
捷口利辨者皆隨慕念及登戒之歲僧儀首冠西遊  
長安祥風達於函關瑞相通於帝夢上人以持經爲  
國詣闕請見肅宗皇帝召對禁中上拱而歎曰昔夢  
吳僧口念大乘五光隨發音容宛若協我嘉徵因賜  
名曰大光以瑞唐姓肅宗元年降誕之辰會齋於定  
因寺因賜上人墨詔許以天下名寺持意經者住持  
令內臣趙思送於千福寺持經道場經日四七而吳  
音清亮常達聖聽上異其事令高力士以宣諭焉後  
居藍田精舍先期而寺僧夢天童來降稱曰大光經

聲達於峯頂師旣晏坐自見神手從天而降拊光之心師乃憶先達抱玉大師常志師言令高法音當有神輔夕夢神僧乳見於心命光內飲自是功力顯暢神形不勞尋山探幽偶墜窮谷龍泉莫測淪溺其間心靈了然無所惑亂因以本經多寶塔爲誠願持十萬遍恍然出泉若有神捧紹後住資聖寺大師以慈親在吳未答慈力表請歸養恩未許還猶繫煩惱之念遂生無妄之疾策蹇強力將投於泉驢伏不前羣鳥拂頂心旣時覺疾乃隨廖昔如來雙鵲巢頂而定慧聖明大師羣鳥摩首而煩疑解脫乃以寶軸加飾

首戴法華於千福寺行道日夜俟命有詔許還既止  
烏程崇修寶塔日持法華偈以成往願焉永泰元年  
浙西廉察使韋元輔表大師爲六郡別駕道場將念  
之首大歷癸丑歲文忠公顏真卿領郡予先人主邑  
烏程予生未期歲乳病暴作而不啼不鑒者七辰師  
至命乳母洗滌焚香乃卽念法華至功德品遂起席  
而坐拱而開目師飲以杯水遂命乳哺疾乃隨愈大  
師視而笑曰汝何願返之速乎因以法師易予幼名  
貞元中予甫弱冠再游雪上舟泊之次大師竚於溪  
側而笑戲拊如兒童焉予爲州將飲醉於館大師引

宿於道場夜分將醒白光滿室朗然如晝觀大師晏坐妙音方闡若開毫相經音既息光亦隨斂於是午西邁辭大師於法筵撫予頂曰爾得住山之言我則無以爲諭行矣自愛去留有時空王教平等者護念大師于永貞元年十二月黑月既夕示滅於法華寺之經院獸號鳥墜山木驚震異香飄馥三日不息是月告刺史顏防曰去矣人世無牽夢泡大師熙和暢達無入不得隨機見教經行無闕維摩詰之儔也知機洞如藏往察來嘿而不顯晉寶公之倫也經通梵界瑞降天童靈相神光昭融顯見曇上人之徒也大

哉明德慈悲護世通異相於王宮示法輪之寶重昏  
外識於黎庶懼色相之迷妄是以居若長橋動如浮  
雲隨鷗自親入獸不亂一衲四十歲無浣濯而居常  
香馥一飯七十載資禪悅而容體溫然予遭大師留  
駐於世而不覩大師寂滅之日年逾耳順昏寄塵勞  
無法劑以濟河悲火宅之迷室忝門徒者追畫梵宮  
時于烏臺舊僚天官郎敬君守郡吳興寄言刊石銘  
曰多寶如來開經誦塔伴厄闡教以宏正法受  
持三世以成賢劫或降忉利或生人天金相不顯真  
如嘿傳明燭繼焰水月分圓示抱金德資於上賢體



寶戒珠心惟法鏡懷寶不迷含光不竟希夷要妙法  
凝清淨發諭開蒙藏機匿聖瑞協皇夢功致天童聲  
宣梵界響達宸聰降臨神手捧溺龍宮跡隱三昧心  
符六通金粟分身普賢馳象譬諭言詞光明顯相仁  
滋一雨功歸無量法性天高慈門海曠我昔嬰兒迷  
夢疾病靡日沈魄返年師住梵音耳聽神光目覩白  
馬先鑣迷津莫溯鼓音已息慈雲不浮寶樹摧華祥  
泉涸流凋林喪斧苦海沈舟色相歸空洪身無際莫  
測來往誰分顯晦三表闡仁深乎晏締

萬曆壬午余偕石公及松師游白雀空無一椽僅見

尼搵持石龕在寒雲荒草中耳松師發願重建茲剎  
余與石公笑其聚沙作宰堵波談何容易後十五年  
爲丙申之臘重游此地則見龍象巍峨寶殿雲堂光  
射青漢寺將落成而師颯然老矣余謂師良苦師云  
微二三宰官及諸檀信之功德此剎將從毘盧現乎  
山僧何力之有是役也陸太宰倡之潘司空繼之司  
空之配施夫人泊諸公子助成之若夫周旋始終罔  
憚勞勩克竣勝果里人張瑤之福田也寺故有唐相  
李公垂撰大光禪師碑歲久湯滅潘公子稚圭伐石  
俾余重書因述其槩於後余笑問師諸公以財法爲

言五  
三  
布施王居士以筆墨作因緣亦可稱檀波羅蜜乎師  
首肯惜石公遠在燕谷不共作此一轉語

有明萬曆丙申歲十一月長至日吳郡廣長庵主王  
穉登書 越城王九思恭泐

吳興志在法華寺乾甯中丞相李紳撰見舊編  
右碑高八尺廣三尺二寸文二十一行跋五行每  
行七十字額高二尺七寸四分廣六寸正書一行  
字徑二寸五分在烏程縣北法華山寺中

大光和尙道蹟碑 石佚

吳興志在法華寺祕書郎陳文在撰見舊編

丞相李紳墓碑 石佚

〔吳興志〕在裏山乾甯三年立見舊編

安定胡應夫人清河張氏墓銘 石佚

〔復齋碑錄〕張氏墓銘唐京兆于景休撰并書天復

四年正月 寶刻叢編

〔吳興志〕在墨妙亭天復三年于景休撰并書 案又見輿

地紀勝

湖州錄事參軍新廳碑記 石佚文見文苑英華

〔吳興志〕唐布衣楊夔撰在州治

唐大悲咒加句尊勝咒 石佚

諸道石刻錄天復四年寶刻叢編

李衛公上西岳大王書石佚

湖錄紹興丙寅七月右朝請郎知州軍事施珪重立

勞志刻石在本廟

姚氏墓碑石佚

吳興志在武康縣南三里統記云姚恢皓信墓碑  
碣見存而餘英志云皆邱壘不存統記作於景德  
歷二百餘年存者亦復湮沒也可勝歎哉

靜林寺碑石佚

吳興志寺在武康縣西三里吳興統記稱寺有唐張柬之碑今碑僅存字不可辨

永安寺碑 石佚

吳興志寺在武康縣西二百步祕書郎沈密有碑經幢 石佚

武康疏志尊勝陀羅尼經幢三一在武康之大慈仁寺會通元年立二在永安寺天寶十一年立並無書人姓名

施明侯廟記 石佚

吳興志在安吉本廟

崑山寺經幢 石佚

安吉縣伍志初在崑山鄉唐乾元初移此賜額天

甯報恩光孝萬壽寺前有石幢三僅存其一

楚王廟碑 石佚

胡宿楚王城辨鄣南之西北距邑十五里有古雉堞曰楚王城其形如瓠壺其規千步其高十尺形勢存焉城南隅有神祠數椽榜曰楚王廟廟有斷碑雖剝尙可尋繹卽唐乾符中雪川進士馬昌寓爲記指神爲晉司馬休之當桓靈寶之篡休之自會稽赴援築壘駐兵以俟四方之集其文穿鑿無

所考實

文集

資聖寺宣和尚塔銘

石佚案資聖寺卽今飛英塔院

復齋碑錄沙門蘊讓述楊光中正書陳漢溫八分

書額光啟三年九月日葬

寶刻叢編

東林山土地廟碑

石佚

吳興志唐人所作按廟碑神姓陳許辛三姓相爲

昆弟此廟之立已近千載則神之廟食遠矣



男  
樹藩校字

吳興金石記卷六

歸安陸心源伯剛甫集

後晉

楊凝式賽過珊瑚樹詩

石佚

〔宦游紀聞〕晉開運元年歲在甲辰四月楊凝式有  
看花八韻時年七十二題于洛陽一僧舍書襍上  
後云維晉九載今刻石在湖州劉燾家

吳越

回文綬帶連環詩碑

石佚

〔吳興志〕在法華寺鎮國軍節度使錢惟治作九十

首

大安禪寺佛殿記 石佚

〔吳興志〕在武康本寺

風山靈德王廟碑 石存

新建風山靈德廟記

蓋聞天地氤氲□寒暑而滋品彙幽靈盼嚮司土地而福生民人神理在於相須顯晦期臻於感契雖先聖著難明之說而禮經垂嚴祀之文爰自五運相承百王理化或以勞定國或盡力勤王或利濟及於烝民或□烈光於史策並皆立嚴祠於境土享廟食於

春秋而況江浙古□魚鹽奧壤應象則區分牛斗封  
維乃表裏江山昔年霸越強吳今日雙封列國曠代  
之靈蹤不少前賢之廟貌實多寡人自定亂平祲勤  
王佈命五十年撫綏軍庶數千里開泰土疆四朝疊  
受冊封九帝拱扶宗社改家爲國興霸江南一方偃  
息兵戈四境粗安耕織上荷元穹睠佑次翳神理  
□持統內凡有往帝前王忠臣義士遺祠列像古跡  
靈壇悉皆褒崇重峻於深嚴祀典常精於豐潔冀承  
靈貺同保軍民其有風山

靈德王廟本像屬城近歸畿甸考諸舊記卽先是武

康縣風山又按史記云汪冈氏之君守封禺之山今  
屬吳興武康縣稽立廟之初則年華渺邈詳圖謀之  
說則詞理異同唯有元和年再構簷楹見存碑記彼  
既已具敘述此因不復殫論聊書制置之由直述旌  
崇之意丙戌年春寡人以玉冊疊膺於典禮 清宮  
未展於嚴煙遂輟萬機暫歸錦里尋屬節當炎暑猶  
未却迴都城此時□□□□□□□□□□陸仁璋  
佐國□□□□□□□□心縣扈從徧祝靈祇以風山  
靈德王昔年因舉兵師曾陳禱祝無虧響應顯有感  
通遂懇悃告虔許崇堂殿泊清秋却歸都城披覩奏

陳旣忠誠感動神明行褒贈先酌靈貺次乃親分指  
畫委仗腹心按山川展拓基堦順岡阜增添爽塏形  
勝並皆換舊規模一槩從新居中而殿宇崇嚴四面  
而軒廊顯敞周迴戶牖登砌堦墀構之以杞梓榱枅  
飾之以元黃丹漆外則浚川源之澄澈內則添竹樹  
之青蒼至於廣廈字空三神儀崇軒侍衛車輿僕從帳  
幄簾櫳鼎飪庖厨籩簋器皿請福祈恩之所獻牲納  
幣之筵並極鮮華事無不備丙戌年八月二十四日  
起首至其年十一月畢功土木皆是精新裡祀營嚴  
豐潔仍展牲牢簫鼓慶樂迎字空三神耀威靈而萬古

傳芳標懿號而千秋不朽一則酬忠臣之啟願二則  
答陰騭之□扶唯冀字空三明神永安締構稟元化

而同垂恩福鎮土疆而廕護軍民保四時風雨順調  
□□山河□□永絕天災地沴常歡俗阜時康□平  
煥乎美矣盛矣今則功用既就良願已酬因勒貞珉  
聊書撫實所貴後來賢彥知予精敬神明不假繁文  
祖記年月時寶正六年重光單闕歲爲相之月二十  
有三日記

天下都元帥吳越國王

兩浙金石志右碑在武康縣東風山麓廟額篆書

新建風山靈德王廟九字徑二寸五分文二十六  
行行書徑一寸二三分不等末行天下都元帥吳  
越國王九字較大紀元通譜云錢鏐私改年號於  
其國後子孫奉中朝正朔漸革元事及錢俶納土  
凡其境內有石刻偽號者悉使人鑿去之今碑中  
寶正二字及都城寡人等字皆經鐫刻字蹟猶隱  
隱可辨也錢辛楣少詹云爾雅釋天云七月爲相  
此題爲相之月必七月矣吳氏十國春秋載寶正  
六年冬十一月重建防風山靈德王廟成王敕撰  
廟記卽立此碑但記文明言丙戌八月二十四日



起首至其年十一月畢功丙戌者寶正元年以八月興工十一月告成洎辛卯歲立碑相距已五載吳氏誤以立碑之年爲廟成之年又誤以相月爲十一月皆考之未審爾史記汪周氏之君守封禺之山裴駟引韋昭曰封封山禺禺山在吳郡永安縣又云駟案太康元年改永安爲武康縣今屬吳興郡今風山在縣東二十里廟在山下風封同音殆卽韋注所謂封山也

宋

太宗御製戒石銘

石佚

吳興志太宗戒石碑銘在知州大廳前乃黃山谷作肇窠大書其下有高宗行書跋語云近得黃庭堅所書太宗皇帝御製戒石銘恭味旨意是使民於今不厭宋德也因是朕異時所歷郡縣其戒石多置闌于檻植以草花爲守爲令鮮知戒石之所謂也可令勒庭堅所書頒降天下非惟刻諸庭石且令置之座右爲晨夕之念豈曰小補之哉跋後有一山字高宗御押又其下有小楷書呂頤浩題疏曰臣等竊惟太祖皇帝武定天下而太宗皇帝文以撫之是時□□□□民赤子新去湯火哀

矜□□乃發大訓垂諸庭石如雲漢在天爲光昭  
回其施在下則爲露爲雨民涵斯澤豈其有極而  
吏更歲久或不知誦斯文矣皇帝撥亂愛民規撫  
祖宗乃□六月癸巳詔以黃庭堅所書刻之石將  
以墨本賜天下使日見而戒焉烏乎此盛德大業  
之本豈特讀貞觀政要而太息哉臣等材驚不足  
以佐萬分而知贊且勵蓋不獨郡邑之吏恍然於  
茲賜也謹昧死書於左方紹興二年七月癸酉端  
明殿學士左朝議大夫簽書樞密院事權參知政  
事權邦彥右通議大夫參知政事福建江南西路

荆湖南北路宣撫使臣孟庾左通奉大夫守尙書  
右僕射同中書門下平章兼知樞密院事臣秦檜  
特進尙書右僕射同中書門下平章事兼知樞密  
院事都督江淮荆浙諸軍事臣呂頤浩謹題

據湖  
錄所

載今本吳興  
志有脫文

真宗御製文宣王贊

石佚

吳興志碑在州學大中祥符元年十月二十四日  
東封禮畢十一月十日車駕幸曲阜縣謁奠先聖  
文宣王命刑部尙書溫仲舒等分奠七十二弟子  
禮畢幸孔林是日詔先聖加號元聖文宣王御製

贊又詔禮部尙書張齊賢等次日以太牢致祭詔  
充公顏子進封充國公十哲閔子以下進封公曾  
子以下進封侯先儒左邱明以下進封伯五年八  
月二十二日奉勅諸道州府軍監各于元聖文宣  
王廟刻御製贊并詔十一月一日奉勅改諡曰至  
聖文宣王贊後所載者如此

案湖錄引吳興志十  
月一日句下有知

州事王膺  
立石七字

真宗御製文臣七條武臣七條并詔

石佚

吳興志在知州大廳慶歷五年朝奉郎守尙書金  
部郎中知湖州軍州兼管內勸農事上護軍賜紫

金魚袋馬尋建

仁宗獎諭守臣滕宗諒進柑子詩勅書 石佚

〔吳興志〕在州學康定元年立

徽宗聖製御書手詔 石佚

〔吳興志〕在知州廳崇〔甯〕四年九月二十日奉聖旨  
摩勒於長官廳

徽宗御筆御製辟雍手詔 石佚

〔吳興志〕大司成辟昂奉旨撰後序崇〔甯〕四年通判  
權州事林虞立在州學

徽宗御筆八行八刑手詔

〔吳興志〕通判林虞刻石州學

徽宗聖製御書文宣王贊

石佚

〔吳興志〕太守葛勝仲刻石在知州廳

徽宗御筆神霄玉清萬壽宮手詔

石佚

〔吳興志〕在郡城天聖寺宣和元年八月十二日奉

旨立石

高宗御書車攻詩

石佚

〔玉海〕紹興七年九月戊寅賜沈與求車攻詩

〔勞鉞湖州府志〕在德清縣東堯文堂刻于石

高宗御書觀心二字

石佚

德清縣志在德清慈相寺揭于方丈之上復刻于

石

高宗御書孝經 石佚

〔吳興志〕在湖州學紹興十四年太守張宇立

高宗御書無量壽佛碑 石存

天中金剛

無量壽閣

賜口口

以上正書二行中有小字賜口口口

以口口殿  
御書寶

天申金剛無量壽佛

以上正書一行中  
鈐太上皇帝之寶

無量壽佛

三感夢復書

佛牌賜口口

以上行書  
四行末鈐

口口殿  
御書寶



□□□一介草野初無寸長徒以先□無□師□梵  
隆□世遭逢 高宗皇帝自淳熙十一年而後七被

堯章之賜縱巾珍函尊奉惟謹懼□夸耀不敢宣露今  
□年齡衰頽盡 下缺 後人不知顛末敬摹 下缺 無量

壽 佛 宸□□□恭承劄子併列左方有以仰  
中興聖主 下缺 算方高而 下缺 垂意藝文 下缺 崇護

佛法 下缺 昭回之光下照萬物如此若乃 下缺 法之  
備 下缺 體之工 下缺 之嚴□□精□□□慝劫贊揚有

弗能盡 下缺 月□□□□□□□理昭示□世 下缺

西巖

兩浙金石志石碑篆書高宗皇帝宸翰六字上截  
刻御書三種下截正書二十六行乃寺僧口口墓  
勒恭紀之語也在烏程縣菁山常照寺茗紀又載  
一碑云得太上皇帝御書佛語一件今賜叶山主八月  
初十日恭承得太上皇帝銀一百兩賜叶山主守等回  
奉進奏呈十二月其下又有數行似皆致謝回奏

之詞一時所刻也案渭南文集常照院記載高宗  
賜御書寂而常照照而常寂八字以示名院本旨  
且賜天申金剛無量壽閣扁榜及紫檀刻佛號如  
來閣榜悉御書也又賜所臨王羲之帖二十二紙  
唐陸東之蘭亭詩一卷及米芾史畧帖一卷題團

扇二柄孝宗嗣位又命創常照院於故址以隆師  
弟子上首至叶嗣其能嘉定三年又創昭回閣藏  
所賜宸翰宋高宗以五月二十一日爲天申節此  
天申字或其誕日所書

高宗御製草韻

石佚

〔吳興志〕嘉定十二年承議郎權發遣湖州軍州兼  
管内勸農事借紫陳汶題後刻於亭

孝宗御筆獎諭守臣鄭作肅手詔

石佚

〔吳興志〕在郡廳

皇帝御札碑

石存

皇帝御札

虞廷之賞延於世漢氏之官長子孫春秋謂成季之  
勳宣孟之忠而無後爲善者懼矣朕慨思 開國以  
來勳臣之裔有能世濟其美而不能世其祿者仰所  
在州軍體察訪得明具以實聞以備錄用 付三省

封

兩浙金石志右碑正書九行篆額皇帝御札四字  
在湖州府署按咸淳臨安志此詔在寶祐四年十  
二月錄用勳裔戒飭贓吏二詔下有丞相臣程元  
鳳等跋所謂勳臣無後則示以錄用之寵貪風之

殄則申以戒飭之嚴又曰紹興則有佐命元勳訪  
用子孫之詔隆興則有貪饕無厭抵法不赦之詔  
皆并二詔以立言又云特降睿旨許令立石是二  
詔當時皆有刻石而今獨傳此者必有惡其害已  
而去之者矣

右碑連額高三尺八寸廣二尺七寸額二行字徑  
五寸詔字徑一寸

理宗御書

石存

仙潭文獻書事君以忠視民如子行己有恥逝世  
無悶十六字以賜游丞相似今刻石湖學

道場山千聖殿碑

石佚

〔吳興志〕在烏程道場山本寺太平興國三年宣德  
軍安撫使知湖州錢信記

項王廟記

石佚

〔吳興志〕在烏程項王廟中雍熙四年九月一日宣  
奉郎守太子中允通判張懌撰

吳興雲鶴讚

石佚文見白氏長慶集

〔吳興志〕在州治天慶觀唐白居易之作也雍熙四  
年知州事鄭建爲序始刻石焉

郭尚書廟記

石佚

詞六  
吳興志在州治廟中端拱元年太常博士權知州事鄭建撰

瑞現禪院大聖碑

石佚

吳興志在烏程喜賓院端拱二年祠部員外郎鄭健記

重修開元觀碑

石佚

吳興志在今天慶觀隋化四年登仕郎國子博士知婺州事刁衍撰

羅漢院修佛殿記

石佚

續圖經院在德清縣東四十五里上坡景德三年

繁昌知縣郝良撰

吳興志

迎春橋記

石佚

**吳興志**在今州治駱駝橋上大中祥符五年將仕

郎守大理評事通判軍州胥偃撰

習善寺記

石佚

**吳興志**在長興宋祥符中增修釋靈採記

宣德軍節度判官廳壁記

石佚

**吳興志**天聖八年朝奉郎大理司直兼監察御史  
節度判官章仇撰

重建長興縣署記

石佚



〔吳興志〕天聖三年縣令張合撰

儀鳳橋記 石佚

〔吳興志〕在州治橋上天聖三年朝奉郎守太常寺奉禮郎簽書宣德軍節度判官廳公事鄭戢撰

鐵佛寺造觀音像盆銘

存

弟子王德言捨盆 都會首弟子徐謙男 都會首

弟子朱 造像願僧鑒真 天聖三年歲次乙丑二

月甲寅

〔兩浙金石志〕右在湖州府治西鐵佛寺高六寸圍徑三尺許中貫鐵柱實之以土上承鐵觀音像四

周以木自來無知之者近因雨淋版壞歟識全露  
周明經中孚手拓之可知顯晦固有時也正書五  
行捨盆者王德言造像者僧鑒真按郡志謂宋乾  
興中僧鑒真鑄鐵觀音像不知實在天聖乙丑相  
距四年西吳里語懸擬爲唐宋時物皆未見此刻  
也

浮玉亭記

石佚

〔吳興志〕天聖四年承事郎太常寺奉禮郎簽書  
國軍節度判官廳公事鄭戢撰中大夫國子博士  
知安吉縣事尹希古書在墨妙亭王秩刻

張逸碧澗堂詩

石佚詩見輿地紀勝

吳興志在墨妙亭天聖九年凌景陽八分書

湖錄按張逸字大隱滎陽人眞宗朝厯官中外後以開封府推官使契丹還兩浙轉運使見王鏊姑

蘇志

陳堯佐芳菲園詩

石佚詩見輿地紀勝

吳興志在墨妙亭天聖九年凌景陽八分書

重建德清孔子廟碑

石佚

吳興志明道中知縣竇克撰在學

靈泉記

石佚

〔吳興志〕在德清唐李該撰景祐四年縣令竇克刊置於慈相寺

葉參出守鄉郡詩 石佚

〔吳興志〕參出守鄉郡金部尚書王惟正作詩送之三司度支韓琦太常丞呂公綽祕書丞余靖曾公亮皆有詩餞其行今刻石郡庠

司法參軍廳壁記 石佚

〔吳興志〕寶元初劉異撰在州治

湖州新建州學記 石佚文見張方平樂全集

〔吳興志〕慶厯中張方平撰蔡襄書在州學

廣化寺華嚴一分塔銘 石佚

〔吳興志〕碑在州治廣化寺慶〔歷〕二年宣德郎守太常博士集賢校理知州軍事胡宿撰

烏程縣令題名記 石佚

〔吳興志〕慶〔歷〕四年縣令李從始立題名記自成平元年李團以前皆追書之繼李從之後者相續而錄以至於今

南園詩刻 石佚

〔齊東野語〕慶〔歷〕六年吳興郡守馬尋宴六老於南園酒酣賦詩安定胡先生瑗教授湖學爲序其事

詩及序刻石園中園廢石亦不存

三仕銘 石佚

〔吳興志〕在州治天慶觀唐施肩吾撰宋慶厯四年  
左著作郎葉綱書

湖州郡守題名記 石佚文見樂全集

〔吳興志〕在州治康定元年夏四月張方平記滕宗諒  
立在墨妙亭自太平興國三年王洞而下其後  
聯續書刻至劉敏士百二十八人

湖州商稅務記 石佚

〔吳興志〕在州治務內涪化中潘金庭記

重刻秦篆嶧山碑

石佚

**吳興志**在墨妙亭宋慶**厯**八年戊子募刻參知政事宋庠跋

西余山弄雪亭記

石佚文見胡文恭集

**吳興志**西余山弄雪亭碑在烏程大覺寺慶**厯**中胡宿記

德清縣令題名記

石佚

**吳興志**慶**厯**壬午歲縣令劉景始刻石自太平興國三年吳越納土後至康定元年次其姓名龕諸壁校書郎□浚爲記

柳太守寇萊公江南曲

石佚詩見柳惲集及寇萊公集

吳興志在墨妙亭宋至和二年刻

吳興倅廳題名記

石佚文見吳興志

吳興志在州治嘉祐六年祕書省祕書郎通判軍

州章衡撰

會景樓記

石佚

吳興志在郡治治平二年知州事徐仲謀撰

修造倉庫橋梁記

石佚

吳興志在郡治治平二年知州事徐仲謀撰

軍資庫記

石佚



吳興志徐仲謀撰刻石州治庫門

顏魯公祠堂記

石佚

吳興志在郡治廟中嘉祐七年尙書屯田員外郎

知州事張田撰

魯公仙傳

卽碑陰記石佚

吳興志米黻記在魯公堂元祐三年立

飛英寺浴院碑

石存

飛英寺浴院記

宋湖州飛英寺浴院記

茗溪沙門慈梵撰

在昔西國有大醫曰耆域者一旦趨吾聖人之席以  
浴僧爲請聖人曰能除七病也他日二三子侍坐詳  
問入道之初門有賢守者避席而對曰守也疇日於  
浴僧時肩隨入室沈思於須臾間悟觸宣明成佛子  
住聖人曰皆修行也旣而其教入於中國天子奉之  
四民良者許爲之徒學吾聖人之法自是罄天之下  
郭郭山林之勝列剎相望吳興飛英寺殿塔叢立房  
廡四周有眾千指而潔濯之室最爲先急旣朽壞且  
久不任其用豈其稱哉至和乙未歲今僧判官表師  
能以醫術拔人於疾苦之間出其囊橐得錢一百萬

爲施之首繼有借職楊開長馬沈舉及大姓豪士隨而樂從又得錢二百萬遂鳩材命工革舊而新之堂曰暝者冬用也堂曰涼者夏用也設二階者分長少也開鉅鑪者以燥衣也建大釜以化湯也次小鑊以燂灰也方井以準日汲也圓井以備歲旱也上煥髹光下排碧瑩能事旣畢當嘉祐戊戌春二月也得元載宗應二上人領之勤其職也凡一擊鼓大衆雜沓不速而至也序進序退雖有輒語無誼譁也澡其外者曰美哉昔我七病頓爾消脫昔我百倦遽然精爽洗其內者曰至哉尙不見身何況諸病及以愈者尙

無有水何況諸垢及以淨者有一沙彌束衣纔畢擎  
跏而前曰未若內外兩亡不壞其浴子輒然之因得  
浴之始末書以告於來者時熙甯元年三月十五日  
記

同勾當知浴講僧 守愿 元載 無外 副寺主  
講僧 元晟 寺主持念大德 文雅

會首攝長馬沈舉 三班借職楊開 募緣都勾當  
管內僧判官講經律充監壇選練事醫學賜紫 清  
表

宣奉郎試大理評事充平海軍節度推官知福州甯

言一  
德縣事李恂書朱

朝奉郎尚書虞部員外郎知歸安縣事輕車都尉賜  
緋魚袋鄭惇惠篆額

朝奉郎守尚書司封郎中充秘閣校理知湖州軍州  
兼管內勸農事上輕車都尉賜緋魚袋借紫王昇立  
石

右碑高四尺九寸廣二尺六寸正書十九行行四  
十一字額高六寸五分廣一尺七寸四分篆書飛  
英塔浴院記六字在郡城飛英寺其碑陰刻釋迦  
如來成道記案王昇于治平四年以司封郎中充

秘閣校理知湖州七月到任五年二月赴闕則此  
碑當立於治平四年七月以後五年二月以前矣  
李恂福建通志職官表無其名鄭惓惠侯考兩浙  
金石志所未收也